



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Bituricensi Archiepiscopo, Episcopo Nivernensi, & Abbatи Cluniacensi.

urn:nbn:de:hbz:466:1-20006

rum, malitiam detestandam si quando juxta debitum &c. in eundem modum ut supra usque in finem. Datum ut supra.

Eidem.

Epist. 34.
Vide supra epist. **C**um pro quæstione archidiaconatus Veronensis Ecclesiæ de quo dilectum filium G. Subdiaconum nostrum Canonicum basilicæ beati Petri investierat dilectus filius G. tituli sanctæ Mariae Trans Tyberim Presbyter Cardinalis, cùm in Lombardiae partibus legationis officio funderetur, tu & idem G. in nostra essetis præsentia constituti, & coram nobis & fratribus nostris super attestacionibus quæstionis ejusdem, quæ de mandato nostro fuerunt in Lombardia receptæ, fuisse aliquandiu disceptatum, tandem eodem G. omni juri quod ex institutione facta per Cardinalem prædictum & electione per Canonicos Veronenses in Archidiaconum Veronensem habebat, in manibus venerabilis fratris nostri Octaviani Ostiensis Episcopi & dilectorum filiorum B. tituli sanctæ Cæciliae & I. tituli sanctæ Priscæ Presbyterorum Cardinalium renuntiante omnino tu & idem G. eorundem Episcopi & Cardinalium de licentia nostra vos arbitrio commisisti, qui deliberato consilio dictum G. Canonicum Veronensem Ecclesiæ instituere curaverunt, & ad augmentandos redditus ejus in ipsa Ecclesia tantum dari eidem à te de redditibus episcopalibus præceperunt unde centum libras Veronenses recipiat annuatim. Nos igitur quod per prædictos Episcopum & Cardinales deliberatione provida de licentia nostra & communii fratum nostrorum assensu dinoscitur esse factum, ratum habentes, eorum arbitrium, sicut est sine pravitate collatum, & ab utraque parte sponte receptum, auctoritate apostolica confirmamus & præsentis scripti pagina communimus. Nulli ergo. Datum ut supra.

Bitturicensi Archiepiscopo, Episcopo Nivernensi, & Abboti Cluniacensi.

Epist. 35.
Quomodo procedendum sit,
adversus suspectos de heresi.
Vide lib. 2. epist.
43. 99. & lib.
10. epist. 206. **A**ccidentes nuper ad apostolicam sedem burgenses de Charitate contra venerabilem fratum nostrum Altissiodorensis Episcopum querimoniam intenderunt, asserentes quod cum olim idem Episcopus in eos tanquam suspectos de heresi excommunicationis sententiam promulgasset, ipsi tandem ad dilecti filii nostri P. tituli sancti Marcelli Presbyteri

Tom. I.

Cardinalis apostolicae sedis Legati presentiam accedentes, juraverunt se mandatis Ecclesiæ parituros. Vnde Cardinalis ipse in Concilio apud Divionem habitu præsentibus multis Archiepiscopis & Episcopis eos tam ab excommunicatione quam infamia prorsus absolvit, & penitentiam eis competentem injunxit, quam ipsi postmodum humiliter compleverunt. Cumque sicut eis injunctum fuerat ad nostram præsentiam accessissent, de processu negotij per Cardinalem eundem redditi certiores, pro ipsis venerabilibus fratribus nostris Eduensi & bonæ memoriae Matronensi Episcopis & tibi, fili Abbas, nostras curavimus literas destinare, ut eos, qui ad præsentiam nostram accesserant, denuntiaretis auctoritate nostra catholicos & fideles, nec permetteretis eos ab aliquo super erroris infamia propulsari, dummodo nihil de cetero contra fidem catholicam machinentur opere vel sermone. Mulieres autem quasdam de Charitate, quæ pro simili causa nostro se conspectui præsentarunt, & nos eis feceramus beneficium absolutionis impendi, senes quoque ac valerudinarios, & mulieres, quos hac infamie nota resperserat, & propter hoc fuerant vinculo excommunicationis astratti, vestræ discretioni commisimus, ut statueritis de ipsis quod videretis secundum Deum & fidem catholicam statuendum. Verum dictus Altissiodorensis Episcopus nec sic ab eorum molestatione desistens contra eos primò ad venerabiles fratres nostros Parisiensem, Suescionensem, & Silvanectensem Episcopos, secundò ad dilectos filios Decanum Parisiensem, Magistrum scholarum Aurelianensem, & Magistrum P. Werel. literas impetravit. Cum autem secundi judices attendentes quod per literas directas ad ipsos primas non fuerant literæ revocatae, burgenes ipsos à jurisdictione sua penitus abolivissent, intelligentes burgenes ipsis quod idem Episcopus malitiosa ageret contra eos, cum ut gravaret famam eorum, ad diversos judices literas impetraret, nec causam prosequeretur postmodum coram ipsis, ad nostram audientiam appellarent. Supervenientes autem supradictus Episcopus proposuit ex adverso quod cum olim prædicti burgenses super heretica pravitate fuisse malam fama respersi, nec ipsius se voluerint conspectui præsentare, qui propter hanc causam frequenter ad villam eorum de Charitate cum multis viris religio-

K K k ij

sis accessit, in eos excommunicationis sententiam promulgavit, tandem vero ad villam eandem propter hoc bona memoria Senonensem Archiepiscopum cum quibusdam suffraganeis ejus adduxit; sed burgenenses ipsi eorum praescientes adventum, se tunc temporis absenterunt. Archiepiscopus autem cum diem eis apud Altissiodorum assignasset, nec ipsi voluerint in ejus praesentia comparere, testes contra ipsos recepit, & eos tandem tanquam haereticos condemnavit. Et licet in Concilio apud Divisionem habitu Legato dicti burgenenses curaverint comparere, in eo tamen non de condemnatione ipsorum sed excommunicatione solummodo fuit actum. Praeterea burgenenses ipsi injunctam sibi penitentiam non servarunt, sed factus est potius novissimus error priore deterior, cum participare postmodum haereticis contra sacramentum proprium praeumpserint. Vnde cum ipsi burgenenses in absolutione sua se tanquam haereticos & publicanos petierint evitari si mandatis Ecclesiae non parerent & injunctam sibi penitentiam non servarent, excommunicari meruerant & ab omnibus evitari. Licet autem dicti burgenenses proposuerint assertivè quod nec prius nec postea participasent haereticis, sicut objectum fuerat ex adverso, tandem confessi fuerunt quod quidam eorum, priusquam Legati se confituerint, participarant eisdem, sed postmodum ab eorum communione curarunt penitus abstinere, injunctam sibi penitentiam adimplentes. Verum Episcopus cum instantia postulabat ut vel ipsi articulos in quibus erraverunt, se fatentes errasse, proponerent in communi, vel testes reciperent quos ipse produceret ex adverso. Cum igitur tanto in his sit sollicitus procedendum quanto sine fidei fundamento, quod superaedificatur, minus, immo nequaquam poterit pravulere, quia sine fide impossibile est placere Deo, discretioni vestra per apostolica scripta mandamus atque praeципimus quatenus nisi dicti burgeneses publicè ac distinctè suum confiteantur errorem & profiteantur catholicæ fidei veritatem, & juxta vestram discretionis arbitrium sufficientem cautio nem præstiterint, & satisfactionem exhibuerint competentem, testes quos idem Episcopus vel alius super haeretica pravitate, haereticorum communione, vel penitentia non servata, vel aliis ad ipsum negotium pertinentibus, duxerit producen-

dos, accipere procuretis. Et si vobis de aliquo constiterit prædictorum vel alio quod ad damnationem eorum sufficiat, ipsos in priorem sententiam reducatis, & tanquam ethnicos & publicanos mandatis ab omnibus evitari, commonentes attentionis & efficaciter inducentes Principem secularem ut ex quo nos quod ad officium nostrum pertinet fuerimus executi, ipse quod ad eum pertinet exequatur, attentionis provisuri ut si fidem diligitis, mandatum nostrum fideliter impleatis. Quod si non omnes &c. duo &c. Datum Laterani I V. Idus Maij.

Iovino Magistro scholarum Aurelianensium.

Epist. 36.
De electione
Prioris Traciae
cenfus. Ecclesia sancti Austregisili Traciensis suo viduata Priore, & votis fratrum ipsius super electione facienda discordantibus invicem, tandem appellatione facta partes ad nostram praesentiam accesserunt, quibus dilectum filium L. tituli sanctae Crucis Presbiterum Cardinalem dedimus auditorem; in cuius praesentia dilectus filius magister P. de Vico, qui se a maiori & seniori parte afferebat electum, taliter proponebat, quod de consuetudine Ecclesiae Traciensis existit ut cum eam Priore carere contingit, fratres ejusdem Ecclesiae tres de Canonicis sancti Austregisili Bituricensis, quam tanquam matrem habent Ecclesiam & majorem, elegere ac nominare tenentur, Decanus vero & Capitulum ipsius majoris Ecclesiae unum ex tribus nominatis, quem tamen voluerint, eis in Priorem assignant. Accedit ergo quod Priore Ecclesiae supradictæ defuncto, Canonici ejus cceperunt de substituendo Priore tractare, & cum omnes ferent in ipsum magistrum P. Canonicus majoris Ecclesiae convenienter, Decanus suus, qui ex familiari odio prosequebatur eundem, ccepit multis modis laborare qualiter posset impedire promotionem ipsius, quosdam ex Canonicis minoris Ecclesiae precibus, quosdam minis studens revocare a proposito jam concepto. Sed major pars per ipsum magistrum sue prævidens utilitatem profuturam Ecclesiae, in suo constanter perseveravit proposito, & ipsum magistrum convocatis his qui vocandi erant, secundum consuetudinem minoris Ecclesiae, in Priorem unanimiter nominavit, & nominatione illa majoris Ecclesiae Capitulo præsentata, pars major ipsi nominationi favorem præbuit pariter & assensum, sicut idem magister per de-